



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

84. Severianvs Parochus moribundum absoluit, alijsq[ue] Sacramentis munit; & licet hæc fecerit in peccato mortali existens, no[n] tamen peccauit propter angustias temporis, quæ vrserunt.

urn:nbn:de:hbz:466:1-40942

vbi addit, nullum esse amatorem, qui non verundaretur, & erubesceret, si talia munera sibi remitterentur; verè enim ea donant, licet ob deflexum finem.

Ad primum in contrarium negamus, munera illa dari tanquam pretium sub condizione exhibendi usus corporis, cum absolutè donentur, esto cum spe aliqua prædictum usum corporis impetrandi; vnde etiam Diana loc. cit. ait, fœminas non recipere similia munera sub pacto, sive tanquam pretium impudicitiae, sed tanquam incitamentum. Ad secundum itidem negamus, Severam cooperari peccato Heri, qui donationem suam non amplius continuat, sed ex illâ iam præteritâ, & muneribus à se alienatis solam turpè spem retinet, ad quam donataria non concurrit, neque illam fovet, sed potius irritam facit, & destruit, negando liberè & apertè rem speratam.

LXXXIV. Severianus Parochus cito vocatus ad moribundum in vicinia confiteri volentem, angitur quidem conscius peccati mortalis, nec tam repente conteri se posseratus, nihilominus adit ægrum, cùmq; auditæ confessione absolvit, alijsque Sacramentis munit. Quæritur. An peccaverit mortaliter, quod ob angustias temporis non præmissâ contritione absolverit ægrum, aliisque Sacra menta administrarit?

Videtur sic peccasse, Ita Iacobus Marchanius

tius de Sacram. Tr. 1. quæst. Past. c. 4. q. 2. & nonnulli existimantes, nullam breuitatem temporis excusare posse.

Resp. Severianum non peccasse mortali-
ter. Ita Card. de Lugo de Sacram. D. 8. f. 9.
n. 151. & Dicastillo D. 3. de Sacram. in Gen. n.
214. vbi hanc responsionem vocat commu-
nem & receptam sententiam. Probatur. Quia
in tam inexpectato casu angustiæ temporis
aliæque circumstantiæ ita occupare Sacerdo-
tem possunt, ut reflectere se & conteri de pec-
cato non possit, et si huius recordetur. Tum
quia necessitas proximi, in cuius subsidium
Sacraenta sunt instituta, præponderat præ-
cepto de ministrandis illis in gratiâ, hâc enim
ratione, cum urget necessitas, multa fiunt cir-
ca personam Principis, quæ extra necessita-
tem continent gravissimam irreverentiam.
Atque ex his patet ad rationem in contrarium.

LXXXV. *Sybillina marito suo fidem fran-*
git, & ex adulterio Luxurium concipit, quem ta-
men viro suo supponit, interque alios proprios libe-
ros educari illum sinit; post multos autem annos,
Confessario iubente, adulterium suum aperit Luxu-
rio, vetatque, ne tanquam spurius in hereditatem
paternam cum alijs legitimis filijs veniat. Quæri-
tur I. An rectè Confessarius Sibyllinæ præceperit ut
flagitium suum filio detegeret? II. Virum Luxu-
rius matri credere, & ab hereditate abstinere se
peneratur?

Videtur